



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ ՊԱՇՏՈՆԱԿԱՏԱՐ
Ռ. ՊԵՏՐՈՍՅԱՆ

« 09 » 07 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0119-21

Ձեռնարկող՝

«ՏՆԱՇԻՆ ԿՈՄՊ» ՍՊԸ

ք. Սևան, Չարենցի փ., 179ք

Գործունեությունը՝ **Ջովաբերի պեմզային ավազների հանքավայրի արդյունահանման աշխատանքների շրջակա միջավայրի վրա ազդեցության գնահատման հաշվեքվություն**
Գեղարքունիքի մարզ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 7 թերթ

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ԿՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

թիվ ԲՓ **0119-21**
<09> 07 2021թ.

**Գեղարքունիքի մարզի Ջովաբերի պեմզային ավազների հանքավայրի
արդյունահանման աշխատանքների շրջակա միջավայրի վրա
ազդեցության գնահատման հաշվետվության**

Ներածական մաս.

Ձեռնարկող՝	«ՏՆԱՇԻՆ ԿՈՄՊ» ՍՊԸ
Փաստաթղթի տեսակը՝	Շրջակա միջավայրի վրա ազդեցության գնահատման հաշվետվություն /ՇՄԱԳ/, /Ա կատեգորիա/
Տեղադրման վայրը՝	Գեղարքունիքի մարզ, Ջովաբեր համայնք

«ՏՆԱՇԻՆ ԿՈՄՊ» ՍՊ ընկերության կողմից /այսուհետ՝ Ընկերություն/
նախատեսվում է Գեղարքունիքի մարզի Ջովաբերի պեմզային ավազների
հանքավայրից օգտակար հանածոյի (պեմզային ավազ) արդյունահանում: Նախագիծը
մշակված է Ընկերության տեխնիկական առաջադրանքի հիման վրա:

Համաձայն «Շրջակա միջավայրի վրա ազդեցության գնահատման և
փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ.
ենթակետի, ներկայացված գործունեությունը դասակարգվում է «Ա» կատեգորիայի
գործունեության տեսակների ցանկում:

Նկարագրական մաս.

Ջովաբերի պեմզային ավազների հանքավայրը գտնվում է Գեղարքունիքի մարզի
Սևանի տարածաշրջանում, Ջովաբեր (Յայջի) գյուղից դեպի հարավ-արևելք 0.2 կմ
հեռավորության վրա: Հանքավայրի կապը Սևան քաղաքի հետ, մայրաքաղաքի և այլ
բնակավայրերի հետ իրականացվում է բարեկարգ մագիստրալային



ավտոճանապարհով: Հանքավայրի մոտ բնակավայրեր են Դդմաշենը՝ 2.5կմ, Ջրառատը՝ 3.0կմ, Սևանը՝ 16կմ և Հրազդանը՝ 10կմ հեռավորությամբ:

Լեռագրական տեսակետից հանքավայրի տարածքը ներկայացված է լեռնային ռելիեֆով, բացարձակ բարձրությունների 1720-1780մ տատանումների սահմաններում: Հանքավայրի հիմնական ջրային զարկերակը Հրազդան գետն է, որը հանքավայրից գտնվում է 200մ հեռավորության վրա:

Շրջանի տարածքը հիմնականում անտառազուրկ է: Անտառային զանգվածները տարածվում են սարերի միայն հյուսիսային լանջերում: Կլիման չափավոր մայրցամաքային է: Օդի ջերմաստիճանը ամռանը բարձրանում է մինչև $+25^{\circ}\text{C}$, իսկ ձմռանը իջնում է մինչև -25°C : Տեղումների տարեկան միջին քանակը տատանվում է 400-500մմ: Հանքավայրի երկրաբանական կառուցվածքում մասնակցում են պալեոգենի, նեոգենի և չորրորդականի հասակի ապարներ:

Հանքավայրի երկրաբանական կտրվածքը հետևյալն է (ներքևից վերև). ա) պորֆիրիտներ՝ միջին էոգենի, բ) կավային ավազներ և պեմզանյութեր՝ մեոտիս-պոնտի, գ) հրաբխային խարամներ՝ միջին չորրորդական, դ) անդեզիտաբազալտներ՝ վերին չորրորդական, ե) ժամանակակից նստվածքներ:

Գեղարքունիքի մարզի Զովաբերի պեմզային ավազների հանքավայրի պաշարները հաստատվել են ՀՀ էներգետիկայի և բնական պաշարների նախարարության ՕՀԴԳ-ի կոմիտեի 2008 թվականի հոկտեմբերի 13-ին, թիվ 182 արձանագրությամբ՝ 01.04.2008 թվականի դրությամբ: Հաստատվել է պեմզային ավազների հաշվեկշռային պաշարներ A կարգի 101.4 հազ մ³ քանակով: Համաձայն «Անօրգանական ծակոտկեն լցանյութեր թեթև բետոնի համար» ГОСТ 9757-83-ի և «Խիճ և ավազ ծակոտկեն լեռնային ապարներից» ԳՈՍՏ 22263-ի Զովաբերի պեմզային ավազները կարելի է օգտագործել շինարարության մեջ, որպես վերջնարտադրանքների արդյունահանման համար:

Հանքավայրի անկյունային կոորդինատներն են WGS -84 համակարգով՝

1. X= 4492397 Y=8481191
2. X= 4492458 Y=8481258
3. X= 4492488 Y=8481341
4. X= 4492454 Y=8481334
5. X= 4492369 Y=8481281
6. X= 4492307 Y=8481246
7. X= 4492258 Y=8481220
8. X= 4492298 Y=8481123

Բացահանքի օտարման տարածքի մակերեսն է՝ 2.11 հա:

Նախագծվող բացահանքը վերջնական դիրքում կունենա հետևյալ պարամետրերը.

- ամենամեծ երկարությունը՝ 265մ,
- ամենամեծ լայնությունը՝ 105մ,
- մակաբացման ապարների միջին հզորությունը՝ 0.7մ,
- բացահանքի ամենամեծ խորությունը՝ 10.0մ,
- օգտակար հանածոյի հաշվեկշռային պաշարների քանակը՝ 101.4հազ.մ³,
- օգտակար հանածոյի արդյունահանվող պաշարների քանակը՝ 84.2հազ.մ³:

Համաձայն հաշվետվության, մակաբացման ապարները կտեղափոխվեն բացահանքի հարավային և հարավ արևելյան կողմերում ձևավորվող N1 և N2 ժամանակավոր լցակույտեր, որոնց քանակն է միասին՝ 13940մ³:

Հանքավայրի բացումը նախատեսվում է սկսել 1768.5 հորիզոնից:



Վերջնական դիրքում լցակույտը երկյարուսով է, բացահանքի հարավային մասում՝ 3.5մ միջին բարձրությամբ, որի վերին մակերեսը կազմում է 340մ², իսկ ստորին հիմքի մակերեսը՝ 1100մ²: 1743.5մ բարձրության հորիզոնը ամբողջությամբ կհարթեցվի շահագործման ավարտից հետո ռեկուլտիվացիոն աշխատանքների ժամանակ:

Բացահանքում արդյունահանումը կատարվելու է առանց հորատապայթեցման աշխատանքների կիրառման, էքսկավատոր-ավտոինքնաթափ լեռնային համալիրի միջոցով:

Բացահանքից պեմզային ավազների տեղափոխումը մինչև 0.7կմ հեռավորությամբ արտադրամաս՝ շինարարական սալիկների ստացման համար, նախատեսվում է իրականացնել KamAZ-5511 մակնիշի ավտոինքնաթափով: Տարողությունը՝ 10տ կամ 6.6մ³ ավտոինքնաթափով:

Բացահանքի ջրամատակարարումը կկատարվի բացահանքի արդյունաբերական հրապարակը խմելու ջրով ապահովելու, ինչպես նաև փոշենստեցման նպատակով աշխատանքային հրապարակների, ավտոճանապարհների և լցակույտի մակերևույթի ջրման համար: Խմելու ջուրը բերվելու է կցովի ջրի ցիստեռնով, իսկ տեխնիկական ջուրը՝ ջրցան լվացող ավտոմեքենայով, պայմանագրային հիմունքներով:

Հանքավայրի հիդրոերկրաբանական պայմանների համաձայն, հանքավայրի տարածքում գետնաջրերը բացակայում են, ջրային ռեսուրսների աղտոտում չի կանխատեսվում, իսկ լեռնային աշխատանքների տեխնոլոգիայով՝ արտահոսքեր չեն նախատեսվում: Հետևաբար բացահանքում ջրհեռացնող կառուցվածքներ չեն նախատեսվում: Անմիջապես բացահանքի տարածքը թափվող մթնոլորտային տեղումներից գոյացած ջրերը կհեռացվեն ինքնահոս կերպով և զանգվածի բնական ճեղքերի ցանցի միջով կներծծվեն դեպի խորքերը:

Հանքավայրի շահագործման ընթացքում մթնոլորտ արտանետվող վնասակար գազերի և փոշու աղբյուր են՝ բացահանքը, տեխնիկական և տրանսպորտային միջոցները, լցակույտերը:

Օդային ավազան արտանետվող վնասակար նյութերն են՝ անօրգանական փոշին, ազոտի և ածխածնի օքսիդները, ածխաջրածինները, պինդ մասնիկները (մուր):

ՇՄԱԳ-ում հաշվարկվել են արտանետումների քանակները, որոնց ազդեցությունը գնահատելու համար կատարվել է դրանց ցրման արդյունքում սպասվող գետնամերձ կոնցենտրացիաների հաշվարկ, համաձայն որի արտանետվող նյութերի գետնամերձ կոնցենտրացիաների առավելագույն արժեքները՝ հաշվի առնելով նաև ֆոնային ցուցանիշները, չեն գերազանցում բնակավայրերի համար սահմանված ՍԹԿ-ը:

Բացահանքի լեռնակապիտալ աշխատանքների և շահագործման ընթացքում շրջակա միջավայրի վրա բացասական ազդեցությունները կանխարգելելու և մեղմելու նպատակով մշակվել են բնապահպանական միջոցառումների ծրագիր, ուղղված՝ մթնոլորտային օդի, հողային, ջրային ռեսուրսների, կենսաբազմազանության պահպանությանը, այդ թվում՝

- տարվա չոր և շոգ եղանակին՝ փոշենստեցման նպատակով, փոշեռաջացման օջախների (աշխատանքային հրապարակներ, լցակույտեր, մուտքային և դեպի լցակույտեր տանող ավտոճանապարհ) պարբերաբար ջրում,
- տեխնիկատրանսպորտային միջոցների աշխատանքի ապահովում ձայնախլացուցիչ սարքավորումներով՝ աղմուկի մակադակի նվազեցման նպատակով,
- դիզելային շարժիչներով աշխատող լեռնատրանսպորտային սարքավորումների վրա գոտիների տեղադրում՝ արտանետումների նվազեցման նպատակով:



- արտադրական հրապարակում նախաձեռնողների պահեստավորում և պահում հատուկ հատկացված տեղում,
- օգտագործված յուղերի ու քսայուղերի հավաքում առանձին տարաների մեջ՝ երկրորդական վերամշակման համար,
- հնամաշ դետալների ու մասերի հավաքում և հանձնում որպես մետաղական թափոն,
- կենցաղային աղբի տեղափոխում մոտակա աղբահավաք կետեր,
- խախտված տարածքների վերականգնում/ռեկուլտիվացիա:

ՇՄԱԳ-ում նախատեսվել են նաև միջոցառումներ, ուղղված՝ աշխատանքային միջավայրում աշխատողների անվտանգությանը, արտակարգ իրավիճակների արձագանքմանը, հնարավոր ազդեցությունների մեղմմանն ու կանխարգելմանը: Բոլոր միջոցառումներն իրենց գործողություններով ամփոփվել են բնապահպանական կառավարման և մոնիթորինգի պլաններում:

Արդյունահանվող տարածքներից հողային շերտի հեռացումն ու դրա պահպանումը բացահանքի տարածքից կատարվելու է ՀՀ կառավարության 08.09.2011թ. թիվ 1396-Ն և 02.11.2017թ. թիվ 1404-Ն որոշումների պահանջներին համապատասխան:

Բացահանքի շահագործման աշխատանքների ավարտին նախատեսվում է կատարել բացահանքի տարածքի ռեկուլտիվացիա: Ռեկուլտիվացման աշխատանքները նախատեսվում է կատարել 2 փուլով՝ տեխնիկական և կենսաբանական:

Ռեկուլտիվացիոն աշխատանքների ընթացքում նախ բացահանքի հատակում կփռվեն ժամանակակից առաջացումները, ապա դրանց վրա պայմանական հողային շերտը:

Տեխնիկական ռեկուլտիվացումից հետո նախատեսված է իրականացնել կենսաբանական վերականգնում: Կենսաբանական ռեկուլտիվացում կկատարվի լեռնային աշխատանքների պատճառով խախտված հողատարածությունների վերականգնված տարածքների վրա շահագործման ավարտից հետո, բացահանքի հատակի մակերեսը՝ 17450մ²: Կենսաբանական ռեկուլտիվացման հաշվարկը իրականացվել է ըստ ոլորտում ընդունված գործակցի՝ 200 000 դրամ մեկ հեկտարի համար: $1.745\text{հա} \times 200\ 000\ \text{դրամ/հա} = 349000\ \text{դրամ}$: Ընդամենը ռեկուլտիվացման ծախսերը կկազմեն՝ $604.8 + 349.0 = 953.8\text{հազ.դրամ}$:

Ընկերությունը բացահանքում կիրականացնի շրջակա միջավայրի վրա բացասական ազդեցության կանխարգելմանն ու մեղմացմանն ուղղված մշտադիտարկումներ /մակերևութային ջրեր, մթնոլորտային օդ, հողային ծածկույթ, կենսաբազմազանություն/, որոնց իրականացման նպատակով նախատեսվում է տարեկան մասնահանել 150.0 հազ.դրամ:

Հանքավայրի շահագործումը իր դրական ազդեցությունն է ունենալու սոցիալական պաշտպանության պետական քաղաքականության իրականացման հարցում: Նախատեսվում է բացահանքում աշխատանքի մեջ ընդգրկել ազդակիր համայնքի բնակիչներին, կստեղծվեն նոր աշխատատեղեր: Նախատեսվում է նաև գյուղական ճանապարհների վերանորոգում, անապահով ընտանիքներին դրամական օգնություն, լավագույն աշակերտներին խրախուսում:

Եզրափակիչ մաս. Գեղարքունիքի մարզի Զովաբերի պեմզային ավազների հանքավայրի արդյունահանման աշխատանքների ՇՄԱԳ հաշվետվության փորձաքննությունն իրականացվել է՝ համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի պահանջներով:



Գնահատման և փորձաքննության փուլերում գործունեության իրականացման վերաբերյալ Ձովաբեր համայնքում անցկացվել են չորս հանրային քննարկում, որոնց ընթացքում գործունեության իրականացումը մասնակիցների կողմից արժանացել է հավանության: Մասնակիցների կողմից կարևորվել է հանքավայրի շահագործման ընթացքում փոշենստեցման նպատակով ջրցանի պարտադիր կատարումը, հանքավայրի շահագործման աշխատանքներում աշխատատեղերի ստեղծումն ու Ընկերության կողմից համայնքում սոցիալական ծրագրերի իրականացումը:

Փորձաքննական գործընթացին մասնակցել են շրջակա միջավայրի նախարարության ստորաբաժանումները, պաշտպանության, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, Գեղարքունիքի մարզպետարանը, տեղական ինքնակառավարման մարմինները, որոնց կողմից ներկայացված կարծիքները ևս հաշվի են առնվել փորձաքննության գործընթացում և ՇՄԱԳ հաշվետվության լրամշակումներում:

ՇՄԱԳ հաշվետվությունում ներկայացված բնապահպանական միջոցառումների և մոնիթորինգի գործողությունների իրականացման դեպքում, գործունեության իրականացման ընթացքում աղտոտվածությունը օդային և ջրային ավազանների, հողային ռեսուրսների ինչպես նաև կենսաբազմազանության վրա կգտնվի թույլատրելի նորմերի սահմաններում:

Փորձաքննական պահանջներ

1. Հանքարդյունահանման աշխատանքների իրականացման ընթացքում անհրաժեշտ է առաջնորդվել ՀՀ կառավարության 2018 թվականի փետրվարի 22-ի «Ընդերքօգտագործման հետևանքով բնապահպանական կորուստների նվազեցման, անվերադարձ ազդեցության կանխարգելման նպատակով պլանավորվող մշտադիտարկումների իրականացման պահանջների, ինչպես նաև արդյունքների վերաբերյալ հաշվետվությունները ներկայացնելու կարգը սահմանելու մասին» N 191-Ն որոշման պահանջներով, շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:
2. Աշխատանքների իրականացման ընթացքում անհրաժեշտ է ապահովել և պահպանել շրջակա միջավայրի, ինչպես նաև մարդու առողջության, անվտանգության և տեխնիկական անվտանգության ՀՀ-ում գործող նորմերի պահանջները:
3. Իրականացվող աշխատանքների ընթացքում պահպանել Առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջները:
4. Աշխատանքների իրականացման ընթացքում անհրաժեշտ է պահպանել ՇՄԱԳ հաշվետվությունում և նախագծային փաստաթղթերում ամրագրված տեխնոլոգիական նախագծման նորմերի և բնապահպանական պահանջների կատարումը և ապահովել Ձովաբեր համայնքում Ընկերության կողմից նախատեսված սոցիալական ծրագրերի իրականացումը:
5. Գործունեության իրականացման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը և ժամանակացույցերը:



ԵԶՐԱԿԱՑՈՒԹՅՈՒՆ

«ՏՆԱՇԻՆ ԿՈՄՊ» ՍՊ ընկերության կողմից ներկայացված Գեղարքունիքի մարզի Զովաբերի պեմզային ավազների հանքավայրի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
մասնագետ՝



Մ. Ավետիսյան

Ընդամենը՝ 7 էջ: